



# Alosarimasko garujipe kana alosares

Ando Švedo si e alosarimara phuterde, garudine thaj direktne. Kodo ke von si garudine značij ke či trobuj te phenes kanikaske pe kaste alosardan. Konik naštik te porončil pe tute pe kaste te alos.




## Korkori kana les čiro alosarimasko lil

Alosarimaske lila si pala jekh šarado falo, te biris te les čiro alosarimasko lil thaj konik te na dikhel kodo. **Si te aves korkori kana les čiro alosarimasko lil.**



## Korkori pala alosarimasko falo

Kana lan čiro alosarimasko lil si te des gata čiro glaso. **Atunči si te aves korkori pala alosarimasko lil.**



## Konik či birij te arakhel čiro glaso

Kana dan tut gata čire alosarimasa len e alosarimaske bučara čiro glaso thaj len sama pala leste. Kana avla čiro glaso ginado či birija konik te žanel savo glaso vorta tu mukhlan.

Feri te si kade ke si tut jekh funksiako teljaripe vaj kaver nasvalipe, khaj kerel ke trobuj tut žutipe te les čiro alosarimasko lil vaj te des gata čiro glaso, atunči šaj te les varikhas tusa pala jekh e falura.

Si tut pušimata?

Le kontakto kusa komunako alosarimaski borda vaj ža po [www.val.se](http://www.val.se)